

## COMPTE REDUT DAL RESCÒNTRE INTER MED'OC

DAL SABTA 6 DE MAI DE 2001 EN NIÇA

Programa de la jorna : descuberta dal darrièr de la familha dals Med'Ocs

- acuelh sus lo campus
- presentacion de cada organas dal Med'Òc Nacional e de sas equipas
- mapa de la jorna
- experiéncias passaas, questions, remarças
- orientacion de las accions localas, e projèit nacionals
- rapòrt ambé las autras entitats culturalas, politicas d'Òc e grops dal jovent de comunitats minorisaas
- torn en vila vièlha, vista de Niça
- projeccion dal film de Cristian Passuello de 50 minutas sus « Robèrt Lafont » al Collectiu dals Diaules Blaus, debat, visita de bastiment associatiu
- past, discutia liura en barrutla per charrièra
- adius (esnif !)

Presentes : Med'Òc Montpelhièr (3pers), Med'Òc Bordèu (2 pers), Med'Òc Niça (5 pers)

### I- La situacion en Niça :

=> Cronologia : lo perqué de la creacion, e bilances annaas 1999-2000 e 2000-2001.

L'actual organa dal Med'Òc de Niça resulta d'una logica d'union e de racionalisacion de las fòrças estudiantas occitanas.

En mai 1999 contacts de Revest Laurenç amb Jeremi Obispo dal « Moviment Estudiant de Defensa de l'Occitan » Bordèu per infos subre la creacion d'un Med'Òc Niça al modèl de çò qu'existia ja. Tòcas localas :

- 1- desvolopar una reflexion economica, juridica e politica sus la question occitana dins lo mitan estudiant (*''l'Enseignement Supérieur''*) dins un departiment ben sensibilisat al 'regionalisme'.
- 2- crear un cercle de joves que pàrlan occitan : entretenir la lenga a l'universitat, entreajüa dins lo Departiment d'Occitan de la fac
- 3- faire de publicitat per l'occitan e las lengas minorisaas dal monde dins l'universitat : debats, bancas, apèros, afichatges informacions
- 4- donar de contacts per dubrir lo monde estudiant al monde occitan (vocacions ?) : emplècs (relais SLO), associacions (dos mondes pron embarrats subre eles)

Per començar fuguèt chausit de s'aligar amb l'associacion estudianta lo Burèl Dals Estudiants- AJAN sus la fac d'Eco-Drech.

De son costat, al principi que non conoissia la nòstra existéncia en decembre 1999, Danís Darpeix si presentèt a las eleccions dal collègi de Mestresa de Sciéncias Politicas en Eco- Drech sota l'etiquèta « Confederacion dals Estudiants Occitanofònes de Niça (CEO) ». Associacion subre lo modèl de un'associacion identica en Lemòtges, CEO Lemòtges. But :

neutra sus l'eschaquièr politic francés, non ligaa a de partits occitans, mas per un'alternativa politica democrata estudianta occitana, coma una ''tèrça via''.

Chausiguèt de non si ligar amb un'autra associacion estudianta per sortir dal quadre politic drech-senèca de l'universitat e de la passivitat dal BDE-Ajan (info juvena, qualques fèstas, presents a las eleccions).

Seguia a las eleccions de l'UFR Eco-Drech lo Med'Òc decidèt de quitar lo BDE-Ajan per fonccionar sol car lo BDE-Ajan si servia de l'occitan coma d'un biais per chapar de voses. Considerant lo moviment coma un grop folclorista e localista 'nissarté' coma fòrça existon.

Aguerèm de nòvas irregularas dal MED'Òc Montpelhièr per Silvan Chabaud, e contact amb Bordèu (mand de documents e d'un CD « Magicians d'Òc »).

Pòu après dal rescòntre entra las doas associacions, trabalhèriam ensèm sus de campanhas d'afichatges e programa comun per las eleccions dal CROUS Niça-Tolon dal 28 de mars de 2000

campusses// suf exprim per Med'Òc	LASH (letras)	Sciéncias, Sofia Antipol	Eco- Drech, IDPD	St Joan Angèli	STAPS (espòrt)	IUT	Prepas	Conrespon dència	Total
	23 (6,51%)	2 (0,98)	8 (2,08)	8 (2,83)	5 (3,44)	6 (4,87)	1 (1,85)	2 (15,38)	55 (3,01)
Totas listas	353	203	383	282	145	123	54	13	1825

Inscriches : 34174, nùmer votants : 1880, particip : 5,5%

Resulta Niça (5 sètis) : UNEF-id : 719, BDE-Ajan 453, UNI 379, UNEF 219

Resulta Tolon (2 sètis) : UNEF-id 382, UNI 112, Asso Etud Indep (FAGE) 73, UNEF 24

Participacion als « Estats Generals de l'Identitat Niçarda » organisat per totas las associacions de linga d'òc a la Comuna de Niça. Bilanç lo cònsol recupera l'electorat d'aquelas associacions.

Junh de 2000 depart de Darpeix per sas estudis, laissèt l'organizacion de la CEO a Revest dal Med'Òc Niça. Octòbre 2000, foguèt decidit per Achampaa Generala Extraordinària de la fusion de las doas associacions en « Moviment dals Estudiants D'Occitània » (MED'Òc Niça), la presidéncia annaa 2000-2001 confiaa a Revest. Explicacion : lo moviment CEO es pron desconoishut e non voliam faire chavalièrs sols (ja que lo moviment occitan es divers !). Banca tengüa a la rentraa per publicisar lo Departament d'Òc.

Contacte amb l'Associació Catalana d'Estudiants (ACE) de Perpinyà per trabalh en comun. En decembre de 2000 participacion dal Med'Òc mentre dos jorns al Còntre-Acamp de la mondialisacion a Niça amb'al PNO 06, Los Vèrds 06, IEO 06, Calandrèta de Niça.

Participacion a las eleccions dals representants estudiants al Conselh d'Administraça dal 13 de març de 2001

campusses// suf exprim per Med'Òc	LASH (letras)	Medecina (St Joan Angèli)	IUT	STAPS (espòrt)	Eco- Drech, IDPD	Sciéncias, Sofia Antipol	Odontologia (St Joan d'Angèli)	Total
	37	5	12	2	9	3	0	68
Suf expr totas listas + blc o nul	903 + 70	213+5	633+5 2	218+8	1191+55	453+36	73+0	26 052

Resultats : UNEF 1164 (5 sètis), UNI 650 (3), GUD 93 (-), IDPD 100 (-), Bloc Santé 213 (1), BDE-Ajan 892 (3), Oxygène 504 (2)

Participacion amb una banca (afichas, despegant de presentacion, contactes : revistas) a la Fèsta de las Lengas dal Monde en Niça Vièlha plaça de la Torre, organisat per Nux Vomica (sus lo modèl de çò fach en Tolosa per Sicre).

Mand de sosten a la Convencion Occitana (collectiu d'associacions que lo Med'Òc Nacional i es) que sembla s'estructurar melhor. Participacion a l'emission en occitan de Radio TSF Niça (presentaa per Pascal Pottier) per presentar lo Med'Òc.

Mai, depaus dals estatuts dal Moviment Estudiant d'Occitània de Niça. Sèti social a Grassa en chas de Cristèl Mouton.

Depart de Revest, Emanuel Gioan responsable nòu per l'annaa 2001-2002.

=> Relacions amb :

- Lo Med'òc Niça e l'administracion de la fac de letras :

Demandas de domiciliacion e de local refusaa, reunion limitaas (unicament dens l'annaa escolara, luns-> vendrès), espectacles amb sonorizacion / musica unicament possible al fogal estudiant (capacitat 30 pers setaas). Non d'autorizacion per vender apèros dins la fac, veire se es diferent amb'al CROUS.

- Lo Med'Òc e lo professoram :

Claudi Alranq sosten mas es aclafit de trabalh, degun envam/sosten actual dals professors dal Departament d'Occitan per fèstas o mòstra associatiava, « basta defendre los ensenhaments e si desplaçar en collòquis » coma un diguèt. Pasmens, d'ancians estudiants, joves magistres nos pòion servir de relaises coma Pascal Colletta (primari), Patrici Arnaudo (collègi), M. Chiris, Erwan Lelièvre (calandreta), Cristòu Daurore (ensenaire associatiu).

- lo Med'òc e l'estudiant :

espaci Liure (festenal de prima), bòn resson d'estudiants que conóisson ja l'associacion, sus l'universitat lucha còtra dals prejudjats e còtra la recuperacion de la cultura. Tenèm una banca a cada rentraa per faire de publicitat dal Departament d'Òc. Afichatges escampats.

- lo Med'Òc e lo monde occitan (identitats vivaroalpencas, niçardas e provençalas)

avèm de contactes amb de musicaires e los ragas balètis : Nux vomica, Kanjar'Òc, Maurís, L'Ontàrio e Sauvaigo, Lhi sonaires de la Varacha, Lo Dalfin, Miqué lo foal, Chocaton gang, lo Ròdol, Li Mourtairets de Balver ; lo Teatre populari : Gag, Ròdol Nissart, JM Rami ; d'assocacions : los Diaules Blaus, l'Abaia dal Jovent d'Ilònsa, l'ASESC valaa Tiniá, IEO 06, Felibritge, Espaci Occitan de Gap e Draonier (Itàlia), Calandrètas Niça e Valàuria, Esperant'oc, CCOc Pais Niçard, Ro País Mentonasc.

Solet pb e de talha : non de sinergia entra aquelas iniciativas, dificil per rechampar cèrtas personalitats.

## II- Vesion externa dal MED'Òc, reflexion subre lo moviment :

1- lo MED'Òc es sovent vist coma un meian de faire fèsta. Mas qué efèites prodúson la mediatizacion de l'occitan per la fèsta ? A long tèrm retombaas : los sòls, de nòus estudiants en Departament d'Òc, avançaas institucionalas a la fac.

2- coma tota associacion normalisacion de las tendéncias (associatiu a but fèstiu, sindecal) que travèrson lo MED'Òc nacional, diferents chausirs de linha d'accion segon los luecs e los organas

3- si concentrar ò non unicament subre las facs de letras

4- besonh d'una melhora estructuracion al nivèl local mas, mai que mai al nivèl nacional, còtra dals problèmas d'intercomunicacion dins lo MED'Òc. Per una chaena telefonica constituent la basi de la comunicacion dins lo MED'Òc.

5- l'enchastre de la Convencion Occitana seria bòn per debatre dals besonhs de l'occitanisme en lo mitan estudiant

6- participacion a las Jornadas de la joventut occitanocatalana a Vièlha (Vath d'Aran), contact per lo Conselh generau d'Aran.

Desvolopar la reflexion :

- aüra quin interèst e quin but de s'interessar, defénder, parlar l'occitan ? Existe un motor occitan (tant jove que generalista) amb de projèits d'endavant, e qué ròtle a lo Med'Òc lains lo mitan estudiant ? (non i a d'empachas oficialas còtra lo fach de parlar l'occitan al siu)

- bilinguisme equalitari a la fac (modèl catalan e còrse)

## III- Projèits/ objèitius, infos/questions :

- bóstia de letras en la fac

- local per permanéncias

- levaa dals escotissons e esqueda de membre MED'Òc Niça

- creacion d'un DEUG occitan (per cursus complèt en occitan)

- creacion d'un'Agregacion d'occitan

- acreditacion per que Niça sigue un centre d'examen al CAPES

- siti inter ret

- nòu desplegant explicatiu dal MED'Òc

- existe un MED'Òc Pau, mas que fatz ?

- difusion dal calendier occitan per se far de pub (cf. idea SLO : occitan'actitud), veire per autres gadgets coma estilos a l'efigia dal MEd'Òc, e. ç. a.
- lo MED'Òc Niça es a pairinar la creacion d'un Med'Òc Tolon
- Darpeix nos a informat de un'union possibla entre « Dazont-Taun a vni » (futur/avenior en breton e galò) sindegat breton e un MEd'Òc Rennes sus Rennes per decembre 2001 (coma a fach lo CROC amb'al CROC Dijon)
- creacion d'un MEd'Òc Lemòtges per genièr de 2002 per Darpeix (de seguir)
- contactar los estudiants/ departiment d'occitan de l'universitat de Taurin (Turin)
- ajüar als eschambis Erasmus
- Peticions a las institucions educativas e politicas
- eschambis amb las autras associacions estudiantas en lenga minorisaas : ACE de Perpinyà, sus Niça « Consulti de i Studenti Corsi » (CSC) ja presentaa coma sosten subre las listas de l'UNEF e autras associacions estudiantas corseganas de l'universitat de Còrte
- projèit de jornal girant (modèl « Escambis » de Bordèu, avem sentit parlar de « L'Arrevista » de Tolosa ? )
- rapòrt de desvolopar amb'al Sindegat Occitan de l'Educacion (SOE) sindegat de professors educacion nacionala e autres de totes establiments (maternala-> universitat)